

摘藻堂四庫全書薈要

史部

欽定四庫全書蒼會要

史部

欽定大清會典卷

三十三

詳校官編修臣繆晉



欽定四庫全書薈要卷八千二百五十九 吏部

欽定大清會典卷三十

禮部

儀制清吏司

冠服

凡禮服

皇帝冠制春冬暖冠緣皮為題緣春以薰貂冬以元狐青表朱

裏夏秋涼冠

即緯笠

素表朱裏緣以纁錦均覆朱



緯青組纓施金龍頂高四重上用珍珠一下三  
重貫東珠三為龍十有二間珠如龍之數涼冠  
刻金為金佛飾東珠十有五綴冠前感金為舍  
林飾東珠七綴冠後服色

南郊用青

北郊用黃

東郊用赤

西郊用玉色朝會均用黃有披肩腰褱積前後正幅

如帷備十二章施五采襟袖及袂緣以金花青  
繒冬緣以貂袞服色用青長覆膝織金為卷龍  
文四大裘加袞服制長裾深袖表以元狐為之  
帶用黃組

南郊施方青金石四銜以金石各綴東珠五  
北郊用琥珀

東郊用珊瑚

西郊用白玉銜金綴珠各如之

宗廟朝會用綠松石四銜以金飾東珠如前制周綴珍珠各二十帶下左右均銜金環佩囊影帛各二帛二色銳下垂以為飾朝珠用東珠

南郊飾以青金石

北郊飾以琥珀

東郊飾以珊瑚

西郊飾以白玉朝會無定飾系均用黃組○采服冠

頂二重頂端銜大珍珠一

或東珠

服用龍袍色尚

黃裾四啓備十二章施五采襟袂龍文青綺緣  
以金花青繒袞服如朝會禮服制朝珠以雜寶  
及諸香為之帶以各色寶石為之影帛一色下  
方佩囊同前○常服冠用結線頂袍色尚黃亦  
用諸色表衣用青均不施章采織文用卷龍及  
各色花文朝珠如采服制

皇后冠施鳳頂高四重上用大東珠一下三重貫東  
珠三刻金為三鳳鳳各飾東珠三冠前左右綴

金鳳七各飾東珠九貓睛石一後綴翟鳥飾貓

睛石一承以朶雲垂珠為步搖凡五行二就行

閒施圓青金石銜以金綴東珠珍珠各六冠下

施金約周蔽前後綴東珠十有三珠相閒處飾

青金石結珠垂後為步搖五行三就行閒施方

青金石二銜以金各綴東珠珍珠八耳飾以金

為之綴東珠十有二領約以金為之如環有端

却結於後飾以珊瑚綴東珠十有五服色尚黃



織為龍鳳翟鳥之文施五采襟袖及袂緣以金花青繒冬緣以貂表衣色用青長裾無袂織金為卷龍文八裳施龍鳳章采均綴以金珠朝珠以珊瑚琥珀為之飾以珠及青金綠松等石系用黃組○采服袍色尚黃裾啓左右織繡龍鳳文施五采表衣用青深袂長裾織金為卷龍文八裳朝珠如禮服制○常服袍無定色表衣色用青織文用龍鳳翟鳥之屬不備采朝珠如采服制

皇貴妃

貴妃冠頂施三鳳上用大珍珠一餘飾東珠十有  
二珍珠三冠鳳七鳳各飾東珠九翟鳥飾貓睛  
石一步搖三行二就行閒飾青金石綴東珠珍  
珠各四金約飾東珠十有二月搖三行三就行  
閒飾青金石二各綴東珠珍珠六領約綴東珠  
七餘制如前

妃冠頂施金鳳二上用貓睛石一餘飾東珠十有

一珍珠二冠鳳各飾東珠七餘飾與

貴妃同

嬪冠頂施金翟鳥二上用暗貓睛石一餘飾東珠  
八珍珠二冠前綴翟鳥五各飾東珠五步搖二  
具行間一飾青金石一綴東珠珍珠各三一飾  
青金石二各綴東珠珍珠八餘並與

妃同惟後翟鳥不飾貓睛石

皇貴妃

貴妃

妃服用翟鳥龍文緣飾如前制表衣用圓龍文八

嬪服視

妃表衣用圓龍文四裳施繡備五采其服色均不

得用黃○采服

皇貴妃

貴妃

妃

嬪均用翟鳥龍文各施五采裳如禮服制○常服  
皇貴妃

貴妃

妃

嬪袍織文如采服表衣織文如禮服不施章采朝  
珠均以珊瑚琥珀為之

皇貴妃

貴妃飾以珠及青金綠松等石系用黃組

妃

嬪飾以青金綠松石系用柘黃組

凡王公朝服親王至八分公冠頂均三重上用紅寶石中飾東珠親王飾珠十世子郡王貝勒貝子鎮國公輔國公以次減一冠前綴舍林親王世子飾東珠五郡王貝勒貝子鎮國公遞減如之輔國公與鎮國公同冠後綴金花親王世子飾東珠四郡王貝勒貝子遞減亦如之鎮

國公輔國公各飾綠松石一服親王世子郡王

用滿翠龍文繒貝勒貝子鎮國公輔國公用蟒

文采繒襟袂及袖緣以金花繒冬緣以貂補服

親王用圓龍文四前後正龍左右旁龍世子郡

王旁龍圓文四長子貝勒正蟒圓文二貝子正

蟒圓文二鎮國公方正蟒二輔國公方正蟒二

表表得用元狐帶均用金黃色組施方玉四銜

以金親王玉各飾貓睛石一東珠四世子郡王

貝勒貝子各以次減一鎮國公輔國公止各飾  
貓睛石一○鎮國將軍冠頂同一品補服用麒  
麟輔國將軍同二品補服用獅奉國將軍同三  
品補服用豹奉恩將軍同四品補服用虎服均  
用蟒文采繒帶各如其所同之品其餘宗室及  
覺羅冠頂補服各從其品餘服宗室得視公以  
下帶用金黃組覺羅得用金花采繒及諸花素  
繒帶用紅組○公主郡主冠頂均三重郡君以



下均二重上用紅寶石飾以東珠固倫公主飾  
珠十和碩公主九郡主八縣主七郡君六縣君  
五鄉君鎮國公女四輔國公女三其大簪金約  
耳飾領約飾珠各如之服公主郡主用翟烏龍  
文滿翠繡繒縣主以下用蟒文繡繒緣飾用金  
花繒冬用貂補服固倫公主視親王和碩公主  
郡主視世子縣主視郡王郡君視貝勒縣君視  
貝子鄉君鎮國公女視鎮國公輔國公女視輔

國公諸王貝勒側室女冠服降適二等貝子側

室女視五品公側室女視六品裳自公主以下

均得施采繡○親王福晉冠服視固倫公主世

子福晉飾珠視和碩公主郡王福晉飾珠視郡

主服均視親王福晉貝勒夫人冠服均視縣主

貝子夫人飾珠視郡君服如貝勒夫人鎮國公

夫人冠服均視縣君輔國公夫人冠服均視鎮

國公女親王世子側福晉冠降適一等服如適

福晉郡王側福晉及貝勒以下各側夫人冠服

均降適一等若不入八分公夫人及鎮國輔國

奉國各將軍夫人冠服惟正室得從夫品○民

公侯伯冠頂均上用紅寶石中飾東珠公用珠

四侯伯以次減一服得用貂緣及蟒繡金花采

繒補服用方蟒文二表裘用貂帶用圓玉四銜

以金公飾玉以貓睛石侯綠松石伯紅寶石子

男冠服各從其品○固倫公主額駙冠頂上用

紅寶石中飾東珠六舍林飾東珠二後花飾東

珠一帶用圓玉四銜以金玉各飾東珠一服視

貝子若爵在貝子以上則從其爵和碩公主額

駙冠頂銜寶石如之中飾東珠四舍林飾東珠

一後花飾綠松石一帶玉各飾貓睛石一服視

公若爵在公以上則從其爵郡主額駙冠頂上

銜珊瑚中飾東珠三帶玉各飾綠松石一縣主

額駙冠頂用鏤花珊瑚帶用圓金版四各飾紅

寶石一服均與和碩公主額駙同郡君額駙冠服均視三品帶用圓金版四縣君額駙視四品鄉君額駙視五品帶均用鍍金方鐵版四各側室女額駙冠服均降適二等○品官一品至八品均鑲金為頂一品上用紅寶石中飾東珠二品用鑲花珊瑚中飾小紅寶石三品用藍寶石中飾如二品四品用青金石中飾小藍寶石五品用水晶中飾如四品六品用碑礫中飾如五

品七品用素金頂中飾水晶八品用鏤金頂九

品用鏤銀頂未入流視九品服自一品至三品

得用貂緣及蟒繡金花采繒七品以上得用金

花采繒八九品得用素繒領袂均得用蟒繡及

金花繒補服文職一品用鶴二品錦雞三品孔

雀四品雁五品白鷗六品鷺七品鴻瀾八品鶴

鶉九品練雀武職一品麒麟二品獅三品豹四

品虎五品熊六品彪七八品犀牛九品海馬都

察院左都御史至監察御史直省按察使均用

獬豸其都察院都事經歷筆帖式按察使司經

歷照磨等官仍從其品貂裘四品以上及翰林

科道官用之帶一品用金銜方玉四各飾紅寶

石一二品鏤金圓版四飾如一品三品鏤金圓

版四四品銀銜鏤金圓版四五品銀銜素金圓

版四六品銀銜玳瑁圓版四七品銀圓版四八

品銀銜明羊角圓版四九品銀銜烏角圓版四

○士庶公服狀元頂帶視六品會試中式貢士  
冠用裏金三枝九葉頂服均如常制舉人官生  
貢生監生冠帶視八品服皂繒緣青生員冠帶  
視九品服青繒緣皂外郎耆老冠頂以錫○公  
侯伯子男及品官已受封父母冠服並得從子  
婦冠服從其夫

凡采服王公百官冠頂均二重王公冠頂用紅  
寶石民公侯伯及一品官均珊瑚二品鏤花珊



瑚三品以下至未入流各視朝冠頂采服王公  
宗室裾均四啓親王世子郡王用龍文采繒貝  
勒貝子公用蟒文采繒公主福晉命婦各視其  
朝服所得用龍蟒各采繒為之民公侯伯以下  
文武官裾啓前後均用蟒文采繒襟袂緣以金  
花繒補服與朝服同

凡常服親王至八分公冠用紅寶石頂餘均  
如采服制袍色均用藍亦閒用諸色表衣色用

青均不施章采織文親王世子郡王貝勒用龍  
文貝子公用蟒文親王福晉以下各從其夫之  
服宗室各將軍民公以下四品官以上及

御前侍從官均得用蟒文七品以上官得用諸花繒  
八九品官用雜花及素繒舉人視七品貢監生  
員視八品軍民商賈吏員得用綾絹餘並不得  
僭擬

上用服色及色相近者王公以下均毋得用若有

賜母得如制自為之王等賞所屬服物不得逾其品  
品官革職留原任者仍視原品革職官無封銜  
者原品冠服不得用

凡朝珠王以下文職五品武職四品以上及翰  
林科道官公主福晉以下五品官命婦以上均  
得用以雜寶及諸香為之禮部主事太常寺博  
士典簿讀祝官贊禮郎鴻臚寺鳴贊光祿寺署  
正署丞典簿國子監監丞博士助教學正學錄

除在

壇

廟執事及

殿庭侍儀外餘處不準用珠系及佩囊惟諸王公  
主福晉得用金黃組貝勒以下均不得僭擬○  
孔雀翎端三圓文者貝子戴之二圓文者鎮  
國公輔國公和碩額駙戴之一圓文者內大臣  
一二三四等侍衛前鋒護軍各統領叅領前鋒

侍衛諸王府長史散騎郎一等護衛均得戴之  
翎根並綴藍翎貝勒府司儀長親王以下二三  
等護衛及前鋒親軍護軍校均戴染藍翎○坐  
褥親王冬用貂夏用龍文赤繒世子郡王冬用  
狶獬獠緣貂夏蟒文青繒貝勒冬用狶獬獠夏  
青繒施采貝子冬白豹夏采繒緣青繒均藉紅  
白氈鎮國公冬用全赤豹皮夏青花赤繒輔國  
公冬用方赤豹皮夏赤花皂繒均藉紅氈鎮國

將軍視一品輔國將軍視二品奉國將軍視三

品奉恩將軍視四品民公冬用全虎皮夏皂繒

侯伯冬均用方虎皮夏侯用緣花皂繒伯用青

雲繒均藉紅氊子男各從其品固倫公主額駙

視貝子和碩公主額駙視鎮國公郡主額駙冬

用獾夏皂褐緣紅褐均藉紅氊郡君額駙視三

品縣君額駙視四品鄉君額駙視五品文武官

一品冬用狼夏紅褐二品冬用獾夏紅褐緣皂

褐三品冬用貉夏皂褐緣紅褐四品冬用青山  
羊夏皂布均藉紅氈五品冬青羊夏青布六品  
冬黑羊夏梭色布七品冬用鹿夏灰色布八品  
冬用麀夏土布九品冬用獺夏與八品同均藉  
白氈○佩囊影帛左右垂帶下為飾王公百官  
咸用之佩刀橐鞬飾雜寶

凡寒煥更用冠服以季春季秋月之五日十五  
日或二十五日始先期請

旨通行若緣貂朝服及素裘歲以仲冬朔日始孟春十六日止

凡遇雨雪服雨冠雨衣以氈或羽緞油紬為之  
皇帝用明黃色親王至宗室公用紅色職官一品至  
三品冠用紅色四品至六品紅色青緣七品以  
下有頂帶人員青色紅緣軍民用青色雨衣一  
品以上用紅二品以下均用青

欽定大清會典卷三十



欽定四庫全書蒼薈要卷八千二百六十

史部

欽定大清會典卷三十一

禮部

儀制清吏司

貢舉

凡貢舉之法太學及直省府州縣學諸生三年  
賓興試於順天府各布政使司曰鄉試取其中  
式者貢於部合天下貢士大比之曰會試取其

中式者以

聞

皇帝親策試於

太和殿丹墀曰

殿試

凡試有定期歲在子卯午酉以八月鄉試丑辰未戌以三月會試均於九日十有二日十有五  
日鎖闈三試之會試及大省鄉試揭曉以逾月

十有五日中省先五日小省再先五日為率  
殿試以四月二十六日傳臚以五月一日

凡試以文藝鄉會試均第一場書藝三論一第  
二場經藝四五言八韻詩一第三場時務策五

### 殿試

御製策問令貢士條對經書文取雅正詩取清華策  
對取切實敷陳浮文妨要及詭異雷同者皆不

### 錄

凡考官鄉試正副各一人由部列侍郎以下編

檢中贊科道中書評事博士以上官會試正副

各二人

間用正一人副二人或正二人副一人均竣

欽命列大學士

學士尚書左都御史侍郎左副都御史

殿試讀卷官十有四人列大學士學士九卿詹事

各疏請

簡用

凡同考官鄉試順天十有八人由部列員外郎

以下評博以上官會試十有八人列翰詹給事  
中部曹各疏請

簡用各省鄉試江南十有八人浙江十有六人江西  
十有四人山東河南各十有二人福建十有一  
人湖北陝西廣東廣西各十人山西湖南各九  
人雲南貴州各八人由監臨官於所屬府同知  
通判知州縣內選擇入闈

凡慎選考官除三品以上簡自

宸衷外吏部咨取四品以下由進士出身官恭俟  
御試按

欽定名次引

見仍開列具疏候

旨簡用

凡經理試事鄉試順天監臨以府尹提調以府  
丞內外監試以御史各省監臨以巡撫提調監  
試以道員內監試亦以道員或府佐會試知貢

舉以本部侍郎提調以儀制司官

殿試提調以本部尚書侍郎監試均以御史

凡執事鄉試會試受卷彌封謄錄對讀四所暨  
收掌試卷均以主事等官各省鄉試受卷彌封  
謄錄對讀收掌以知縣對讀以歲考降青生謄  
錄以州縣掾吏

殿試受卷彌封收掌以翰林給事中內閣侍讀中  
書本部儀制司官供給官鄉試以府倅會試以

本部精膳司官率京縣丞史

殿試以光祿寺官

凡送試鄉試由學政錄取科舉每中式一名大  
省準錄科八十名中省六十名小省五十名副  
榜一名準錄科二十名國子監錄取貢監生分  
南北中卷數亦如之京學教習各館膳錄生部  
院筆帖式欽天監天文生貢監生由國子監生  
員由順天學政錄科考取然後冊送鄉試會試



由本省布政使司咨呈送部直隸限豫年十二  
月山東河南山西陝西十一月江南江西浙江  
湖廣十月福建四川廣東廣西雲南貴州九月  
各如期起送司府稽遲違限由部覈叅舉人用  
中書評事博士太學師儒筆帖式者由該管衙  
門直省教官由布政使司各給文送部貢監生  
初於京闈中式不及回籍起文者取具同鄉官  
印結呈明均準應試

凡試規會試及順天鄉試書義三題詩題皆由

欽命試前一日本部侍郎順天府尹恭領詣貢院交

知貢舉提調送入內簾經義策論各省鄉試四

子書題詩題皆正副考官公定校刻題紙是日

應試者由貢院東西門魚貫序進聽唱名搜檢

入大門給卷各歸號舍試日五鼓內簾出題紙

知貢舉監臨提調監試視執事官分送號舍及

早晚給飲食毋有不周試畢隨其交卷次第給

籤驗出三試皆同

殿試前一日讀卷官恭領

制策扃內閣門刊版搨黃畢翼日所司設案於

太和殿左楹之南又設案於丹陛正中設諸貢士  
試案於東西丹墀內閣官奉

制策入

殿陳於東案讀卷暨執事官入丹墀左西面序立

諸貢士集

午門外聽本部唱名給卷鑿儀校代執考具鴻臚  
官引由左右掖門入

昭德

貞度門至丹墀東西班末序立均東西面大學士  
一人入

殿左門奉

制策出中門授禮部尚書尚書跪接興陳於丹陛案  
北面跪三叩興儀制司官舉案降自中階陳於

御道正中讀卷暨諸執事官就拜位聽贊行三跪  
九叩禮復位立諸貢士就拜位三跪九叩畢仍  
北面立本部儀制司官奉

制策分授諸貢士諸貢士跪受三叩興各就試案讀  
卷官出竢於內閣諸貢士對策畢鑿儀校引出  
長安門各退

凡試卷鄉會試由提調鈐考舍坐號授應試者  
每場試竣受卷所檢墨卷違式者揭於院壁以

合式者移彌封所糊名坐號改鈐內號皆簿記  
之騰錄所易書以朱對讀所取墨卷校讐謫脫  
改注以紫收掌官鈐內號於朱卷既畢監試以  
朱卷送內簾交內監試收入

殿試受卷官稽卷數彌封官糊名不易書收掌官  
齎卷及監試御史送內閣交讀卷官校閱

凡閱卷鄉會試由內收掌分經送各同考官閱  
以藍筆擇三試全佳者為首薦其第一場文義

致佳二三場無疵第一場文義無疵二三場致  
佳者為次薦考官閱以墨筆既入選副考官書  
取正考官書中不入選者批摘瑕疵仍取各經  
房落卷通校有佳卷未薦者特拔之迺書取中  
名次於卷端以待揭曉

殿試收掌官以卷送讀卷官分閱公定前列十卷  
進呈

御覽

皇帝御便殿

召讀卷官入記注官隨入侍班

賜讀卷官坐各就位一叩坐

皇帝親定甲乙

命大學士一人秉筆書一甲三名至二甲七名於卷

端既畢奉卷出至內閣扁門拆卷書榜以待傳

臚

凡出榜鄉會試由考官諏日豫行知貢舉監臨



屆期內簾啓門及外簾各官會於一堂出中式  
朱卷對內號坐號檢校墨卷無謫迺按名書榜  
畢各官朝服望

闕行三跪九叩禮鄉試於順天府及各布政使司  
署前會試於本部署前懸榜三日

殿試讀卷畢以

欽定前十名合二三甲進士名次書黃榜進呈

御覽翼日所司設案於

太和殿內及丹陛如策士儀內閣官奉黃榜入殿隙於案鑿儀衛備黃蓋雲盤於

殿階下設龍亭於

午門外鴻臚官六人立於丹陛東階每階二人皆

西面鑿儀衛陳法駕鹵簿樂部和聲署陳樂懸

皇帝禮服御殿王公百官朝服侍班如常朝儀諸貢士於丹墀東西班末北面序立讀卷暨執事官出班就拜位聽贊行三跪九叩禮大學士奉黃

榜出授禮部尚書尚書跪接興陳於丹陛案北面跪三叩興退立於左鳴贊贊有

制諸貢士跪宣制官奉

制至丹陛南西面立宣訖迺唱第一甲第一名暨二名三名皆傳唱者三鴻臚官引出班至

御道東西各以次跪又傳唱二甲一名三甲一名某某等若干名不出班均聽贊行三跪九叩禮贊舉榜禮部尚書詣案跪奉榜興降自中階

駕興還宮儀制司官以雲盤承榜導以黃蓋禮部堂  
司官暨一申進士隨榜出

太和門中門諸進士東班由

昭德門西班由

貞度門出至

午門外陳榜於龍亭和聲署樂作御仗前導出

長安左門懸榜三日

凡中額鄉試順天八旗滿洲蒙古漢軍直隸諸

生及直省貢監生肄業太學者皆分編字號取  
中共二百十有五名川廣雲貴貢監生每二十  
卷中一名無定額山東六十九名山西六十名  
河南七十一名江蘇七十六名安徽四十五名  
江西浙江皆九十四名福建八十五名湖北四  
十八名湖南四十五名陝西六十一名四川六  
十名廣東七十二名廣西四十五名雲南五十  
五名貴州四十名副榜視正榜取五之一以為

額會試竣三試既畢之後知貢舉分列直省貢士卷數疏請

欽定中額

殿試一甲三名

賜進士及第二甲三甲無定數二甲

賜進士出身三甲

賜同進士出身各有差

凡官生卷京堂五品以上及翰詹科道外官文

三品武官二品以上之子若孫同胞兄弟及兄弟之子鄉試準作官生卷順天鄉試滿洲蒙古漢軍官卷以十名取中一名南北貢監生官卷以十五名取中一名直隸江南江西福建浙江湖廣官卷以二十名取中一名山東山西河南陝西四川廣東官卷以十五名取中一名廣西雲南貴州官卷以十名取中一名如官卷不滿十者入民卷通校文不充數者以民卷補中

凡迴避會試及順天鄉試考官同考官知貢舉  
提調監試及外簾執事官之子弟宗族有服姪  
姪皆令迴避不得與試

凡磨勘鄉試以取中朱墨卷解部由部奏請以  
京堂三品以下翰詹六品以上官暨給事中御  
史集

天安門朝房各分卷磨勘會試出榜後由部請  
旨簡員磨勘有違式干禁者皆論如法



凡

賜燕鄉會試

賜考官知貢舉監臨提調監試同考執事各官燕鄉  
試初入闈順天燕於府署各省燕於布政使司  
會試入闈出闈均燕於禮部及鄉試揭曉

賜考官以下至中式諸生燕曰鹿鳴燕

殿試傳臚

賜一甲進士三人燕於順天府府尹暨丞送歸第翼

日

賜讀卷官以下至諸進士燕於禮部

命內大臣一人主席曰恩榮燕與燕者皆簪花行禮

儀見精

膳司

凡

賞賚諸生中式各

賜冠服及白金二十兩會試給公車費既成進士

賜白金三十兩一甲三名外加五十兩第一名朝冠

朝衣二名以下表裏各一端

凡科場條例據屢科沿革及見行事宜纂輯成編每三年續編頒發直省遵行

欽定大清會典卷三十一

欽定四庫全書薈要卷八千二百六十一

史部

欽定大清會典卷三十二

禮部

儀制清吏司

學校

凡學校之制

京師立國子監曰太學直省府州縣衛各於所治

立學皆祀

先師以崇矩範闢黌舍以聚生徒時肄習以廣術業

勤訓迪以儲人材各學諸生升於太學者由國

子監考課

詳見國子監

直省提督學政選差京堂翰

詹科道部曹

盛京以奉天府丞福建臺灣府廣東瓊州府以巡

道兼之提調以知府同知直隸州分教以教授

學正教諭訓導等官

凡學政考校初視事按各府直隸州遠近定期

歲試及期按臨校閱文武生童藝業既竣事定期科試專校文生童文藝三年皆徧疏報任滿俟新學政抵任還朝復

# 命

凡學政關防巡試所至以府首領州縣佐雜官充巡捕地方有司視沿塗供備次舍提調官視考院門垣塗徑務絕窺探交通之跡既至親視掾吏承皂及承直水火灑掃夫役封入內署其

臨考執事及司門傳事官吏由提調官選委各居外舍禁絕往來每日啓門收發文書進納薪水皆巡捕官檢察無弊迺許出入如門以內潛通關節責之學政門以外招搖傳遞責之提調官互相徇隱者同論

凡教職考覈初選時滿教官由部試文藝錄取者引

見序用直省府州縣學教官由督撫考試列等第以



別用舍學政巡試所至考其文章師範不稱職者黜願應鄉會試者由布政使司申送

凡童生入學滿洲蒙古漢軍由本旗佐領考錄順天府大宛二縣由知縣考錄均冊送府丞直省由州縣考錄冊送知府同知直隸州均以其錄取者冊送學政歲科考擇其秀者入學曰附學生員其每考入學之數

京師滿洲蒙古共六十人漢軍半之

盛京滿洲蒙古共十有一人漢軍八人直隸順天府大興宛平二縣學均二十五人各府學二十三人大州縣視府學其次州縣大學十有八人中學十有五人小學十人江南浙江府學均二十五大州縣視府學其次州縣大學二十人中學十有六人小學十有二人餘省府學均二十人大州縣視府學其次州縣大學十有五人中學十有二人小學八人初建之府州縣視人

文以定大中小學不足小學之數者虛其額以  
待人文之盛若大縣分為二縣者中分入學原  
數或較人文之多寡以為差

凡諸生考課入學生員各治一經本學教官月  
有課季有考別其等差冊報學政歲科考取其  
最優者食餼於官曰廩膳生員其數

京師滿洲蒙古共六十人漢軍半之

盛京滿洲蒙古共六人漢軍三人直省府學四十

人州學三十人縣學二十人衛學十人次優者  
別於附學曰增廣生員如廩膳生員之數若府  
州縣初建及大縣分為二縣者分設廩增之法  
與附學生員同

凡貢士成均選拔貢生每十二年一舉由國子  
監疏請得

旨下部行直省學政於科考後合兩試優等生員考  
擇文行兼優者

京師滿洲蒙古每旗選拔二人漢軍每旗選拔一人

盛京滿洲蒙古共二人漢軍一人直省府學二人州縣學各一人八旗

### 欽命大臣

盛京會奉天府尹直省會督撫覆試文藝兼擇才品疏請貢入成均才不充選者寧闕毋濫既赴

### 部奏請

廷試考列一二等者簡選引

見候

旨錄用皆

欽命大臣涖其事考列三等及簡選所遺者送國子  
監肄業文理有疵者發回本籍讀書三年再送  
廷試荒謬者黜革原選拔各官論如律其有赴部  
後期者學政以事由咨報部會國子監補考一  
二三等均送監肄業餘與

廷試同○副貢生以順天及各省鄉試取中副榜  
升入太學準作貢生與選拔貢生同○歲貢生  
以各學廩膳生員食餼年久者依序貢入成均  
京師滿洲蒙古歲貢二人漢軍歲貢一人

盛京滿洲蒙古三歲一人漢軍五歲一人直省府  
學歲貢一人州學三歲二人縣學二歲一人若  
府州縣新建及分設者或府視州州視縣或兩  
縣更年迭貢或四歲五歲貢一人均因地定制

○恩貢生遇

國家

軍恩以本歲正貢作為恩貢與選拔及副貢同以需  
次待貢之生作為歲貢如州縣學不值貢期竣  
應貢之年補行○優貢優監生學政歲科試竣  
於所報優生中擇其尤者送部考試廩增準作  
貢生附學及武生準作監生○功貢生諸生有  
從軍者以功升諸太學準作貢生與優貢生均



視歲貢○廕監生及納粟準貢準監各在籍者  
歸本學教官約束賓興之歲與生員同科考由  
學政錄取迺冊送鄉試

凡考試藝業童生試書藝二覆試減書藝一加

論

論題孝經  
小學間出

有能習

御纂經義者策對不失旨視正考卷無疵即準招覆  
諸生歲試書藝二經藝一冬日減書藝一科試  
書藝經藝時務策各一冬日減經藝仍摘問

御纂經義必條對明晰考案始居前列優生始貢成  
均選拔分試二日首日書藝二經解一次日策  
一五言八韻詩一

廷試書藝一詩一歲貢試書藝經藝詩各一

凡釐正文體制義代聖賢語言理解務取清晰  
格律必歸雅正有尚詭異矜浮華者黜之學政  
歲科試竣取各學生員前列十卷兩次送部以  
待磨勘

凡頒行書籍

御纂經解性理詩古文辭及校訂十三經二十二史  
三通等書皆

頒行直省儒學並許書賈鑄版流傳若非聖之書一  
家之言不立於學宮者士子不得傳習淫辭小  
說坊肆不得刊行民間不得留藏學政巡試所  
屬嚴飭地方官禁止

凡考場規條滿洲蒙古漢軍先試騎射合式迺

準應歲科試提調官按應試人數豫刊坐號戳  
記投學署先試一日提調官編號於試卷尾彌  
封鈐印簿記之卷面加浮籤書生童姓名試日  
彙卷納場內學政豫於東西文場適中之地設  
公座左右各設長案分置坐號戳記令教官數  
人立案側昧爽生童集大門外提調官視外搜  
檢唱名隸執照入牌序進候內搜檢畢聽唱名  
領卷單名嚮東案雙名嚮西案教官各取坐號

鈴卷面生童各就考案依號列坐既畢迺封門  
命試題場四隅置役瞭望以防鄰號交通作弊  
者及生童試藝完自揭卷面浮籤交卷領照出  
牌積三十人一啓門序出日落時出盡不繼燭  
有懷挾文字倩代作文及場內移號換卷者皆  
論如法童生以所知廩生一人具保結臨試偕  
至識別有冒籍冒姓匿喪倩替及出身卑賤者  
罪之廩保同坐翼日出考取字號示期覆試覆

定書等第名次於原卷發提調官咨封對號書  
名出案學政集諸生給閱原卷批評獎優斥劣  
勸懲各有差

凡衡文黜陟歲考一等增附青社均補廩無廩  
闕附青社先補增無增闕青社先復附其丁憂  
起復緣事辨復之候廩及因考停廩各生準復  
廩均依名次序補二等增補廩附青社補增無  
增闕青社先復附停廩降增者復廩增降附者

復增三等無黜陟候廩候增者復廩增均與考  
列一二等之增附新舊間補停廩者收復候廩  
增降附者收復候增青衣發社者復附四等廩  
停食餼限六月送考原停廩者竝下次歲考均  
憑文定奪增附青社朴責示懲五等廩停作闕  
原停廩者降增增降附附降青衣青衣發社原  
發社者黜為民六等廩十年以上發社六年及  
增十年以上發本籍充吏不願者聽入學未及

六年者發社餘皆黜為民科考列一二等者冊送賓興三等候考遺才錄取者冊送不取者不準鄉試其補復廩增與歲考同

凡勸懲優劣學政歲考所至行令提調州縣教職等官各舉諸生優劣開具事蹟封送學政體訪確實隨場咨部至三年任滿彙疏以

聞由部覆覈優生行誼最著者升入太學其次量予獎賞劣生悔悟自艾者以改過注冊怙終者除



名

凡優卹諸生初入學免本身徭役入學三十年及未至三十年齒已七十者免歲科試以生員冠帶終其身遊學遠方隨祖父任所赴試不及者臨試而病者均給假限期補考父母服及承祖父母重三年免試本生父母服期免試期免試者廩增不作闕貧不自存者發學田租周之犯事情輕後自悔改者既革許開復經定罪者

許以原名應童子試所坐微細地方有司具詳  
學政會教官戒飭不得同齊民鞭撻

凡廣勵學業

京師立宗室學覺羅學咸安宮學景山學八旗義  
學設滿漢教習以進士舉人恩拔副貢生充之  
滿教習兼用翻譯生員及因公墜誤之廢官通  
翻譯者均由部請

旨考試補授宗室等學以京堂翰詹義學以禮部司

官稽察課程三年期滿分別等差引

見叙用直省會城立書院府州縣立義學社學選擇  
生徒肄業其中聘薦紳宿儒學問淹貫者為之  
師束脩膏火之費官為供備以宏樂育

凡執事奉祠直省府州縣慶賀三大節及遇  
頒詔行禮春秋釋奠於

先師設通贊二人引贊二人以生員嫻於禮儀者充  
之山東

闕里設樂舞生百五十四人各省府州縣學各四十人選本地俊秀子弟充之先賢先儒建有專祠者每代擇適裔一人由督撫學政咨部給執照充奉祠生

凡學政全書三年一修頒發直省督撫學政分行府州縣學以示遵循

風教

凡崇祀名宦鄉賢之禮直省司牧之官有功斯

民遺愛難泯者薦紳處士積學力行垂範鄉里者由學校師生公舉以達州縣州縣以達督撫學政歲於八月具疏部加覆覈歲終彙疏以

開列祀名宦鄉賢二祠

凡旌表節孝之禮宗室覺羅由宗人府覈奏部覆題旌宗室以孝著者諸王以下至閑散宗室公主福晉以下至閑散宗室之妻若女均降

勅褒獎

賜銀幣有差若以女守貞及閒散宗室之妻守節者  
如之覺羅節孝

賜建坊銀加幣一夫亡殉節者請

旨賜羊酒楮帛內閣撰文遣官致祭八旗由佐領報  
都統直省由州縣報督撫學政均詳其實蹟造  
冊送部覈定歲終彙疏以

聞孝子崇祀忠義孝弟祠其節婦自年三十至五十  
或年逾四十而歿守節已閱十五年以上者

賜清標彤管四字以表其閭仍於節孝祠內彙姓氏  
勒諸貞珉其有奇節苦行者各

賜銀三十兩建坊里門春秋祭於祠內孝女與孝子  
同貞女烈婦與節婦同

凡旌表義行之禮民有屢世同居和睦無間者  
建坊里門題名忠義孝弟祠若出粟以周族黨  
振貧乏捐財以治橋梁修道路均由有司旌其  
閭為數多者奏請叙錄

凡優老之禮百歲老民

賜銀三十兩建坊里門題以昇平人瑞四字

老婦旌以貞壽

之逾百歲者加門

賞銀十兩內府幣一百有十歲者倍之百二十歲以上者請

旨加賞不拘成例

凡慈幼之禮直省各設育嬰堂收養幼孤之無歸者又民有一產三男者給米五石布十疋



凡掩骼埋胔之禮八旗及內府佐領各給塋地直省州縣建義塚有貧不能葬及無主暴骨皆收埋之民有收瘞遺骸年久不怠者有司旌表其閭

### 鄉飲酒禮

凡鄉飲酒之禮歲以孟春望日孟冬朔日舉行於順天府庠豫期由大興宛平縣令各舉耆年致仕德望懋著者一人為賓次介次三賓次衆

賓均以齒德兼優者為之屆期以本部漢堂官

一人監禮府尹為主人教授一人為司正贊禮

執事以府縣學生員先一日設坐次於庠之講

堂設律令案於堂東司正官率執事諸生習儀

樂部和聲署設樂於西階下至日質明主人偕

僚屬執事生均詣學迺速賓介既至考鐘伐鼓

主人出迎於庠門之外賓介東面主人西面主

人揖賓介入眾賓從入三揖至於階三讓迺升

主人東階上北面再拜賓介西階上北面答再拜主人揖賓介就位三賓衆賓咸就坐賓席西北南嚮介西南東嚮主人東南西嚮三賓衆賓在賓席之西東嚮坐定贊者贊司正揚觶以下行禮

均唱 贊 司正由西階升詣堂中北面立賓主以下

皆立司正揖衆皆揖司爵酌酒於觶授司正司正揚觶而語曰恭惟

朝廷率由舊章敦崇禮教舉行鄉飲非為飲食凡我

長幼各相勸勉為臣盡忠為子盡孝長幼有序

兄友弟恭內睦宗族外和鄉里無或廢墜以忝

所生迺畢飲以解授司爵揖賓主以下皆揖司

正退衆皆坐執事者舉律令案於堂中讀律令

者詣案北面立賓主以下皆立揖如前讀畢退

主人起獻賓席前北面立司爵酌酒授主人主

人受爵詣賓位司饌舉饌案於賓前主人奠爵

於席降再拜賓答再拜退復位賓起酢主人席

前東面立司爵酌酒授賓賓受爵詣主人位饌  
案從賓奠爵於席再拜主人答再拜賓復位主  
人起獻介介酢主人均如前儀司爵酌酒獻三  
賓衆賓徧工升鼓瑟歌鹿鳴賓主以下酒三行  
司饌供羹笙磬作奏南陔間歌魚麗笙由庚司  
爵以次酌酒司饌供羹者三迺合樂歌關雎工  
告樂備執事者徹饌案賓主以下皆起主人就  
東階賓介就西階均再拜賓介降階出主人送

於門外如初迎儀○直省舉行鄉飲酒禮府以  
知府州以知州縣以知縣為主席餘儀與順天  
府同

鄉飲酒禮圖

三僎

終屬

二僎

東階

一僎

正位

祭

西

不祭

祭

一賓

二賓

西階

三賓

祭

欽定大清會典卷三十二



欽定四庫全書薈要卷八千二百六十二

史部

欽定大清會典卷三十三

禮部

儀制清吏司

儀衛

凡儀衛親王紅羅繡五龍曲柄繖一紅羅繡四季花繖二紅羅銷金瑞草繖二紅羅繡四季花扇二青羅繡孔雀扇二立瓜卧瓜骨朶吾仗各

四大燾二條燾二旗槍十

各依本旗色

豹尾槍四儀

刀四馬六匹世子紅羅繡四龍曲柄繖一紅羅

銷金瑞草繖二紅羅繖一紅羅繡四季花扇二

青羅繡孔雀扇二立瓜吾仗各四卧瓜骨朶各

二大燾一條燾一旗槍八豹尾槍二儀刀二馬

六匹郡王紅羅繡四龍曲柄繖一紅羅銷金瑞

草繖二紅羅繡四季花扇二青羅繡孔雀扇二

立瓜吾仗各四卧瓜骨朶各二條燾二旗槍八

豹尾槍二儀刀二馬六匹以上執事人轎夫用  
繡團獅綠段衣親王以下八分公以上轎夫  
執事人均黑氈帽綴絨纓上安銅管插紅翎繫  
紅布帶長子貝勒紅羅銷金瑞草繖二紅羅繡  
四季花扇二立瓜卧瓜骨朶吾仗各二條燾一  
旗槍六馬四匹貝子紅羅銷金瑞草繖一紅羅  
繡四季花扇二立瓜骨朶吾仗各二條燾一旗  
槍六鎮國公紅羅銷金瑞草繖一青羅繡孔雀

扇一骨朶吾仗各二旗槍六輔國公與鎮國公  
同以上執事人轎夫用素綠段衣鎮國將軍杏  
黃繖一旗槍六輔國將軍同奉國將軍旗槍四  
鎮國將軍以下至宗室轎夫執事人均黑氈帽  
上安裏錫木頂插綠翎用青布衣繫綠鑲紅布  
帶遇元日

萬壽聖節冬至朝賀之期各儀衛全設常日在

京師親王用曲柄繖一紅羅繖扇各二立瓜卧瓜

骨朶吾仗全馬四匹引導十人世子減曲柄繖  
及引導二人餘視親王郡王馬二匹餘視世子  
貝勒繖一立瓜卧瓜骨朶吾仗全引導六人貝  
子用立瓜骨朶吾仗引導四人鎮國公用骨朶  
吾仗引導二人輔國公同鎮國將軍用前引二  
人後從六人輔國將軍前引一人後從四人奉  
國將軍後從同若因事出京王以下均全設如  
儀○固倫公主紅羅曲柄繡寶相花繖一紅羅

繡寶相花繖二青羅繡寶相花扇二紅羅繡孔雀扇二黑燾二立瓜卧瓜骨朶吾仗各二引導十人和碩公主減寶相花扇及引導二人餘視固倫公主郡主減曲柄繖卧瓜引導二人餘視和碩公主以上執事人衣帽與親王同縣主寶相花繖一寶相花扇二立瓜吾仗各二引導二人以上執事人衣帽與貝勒同親王福晉視固倫公主世子福晉視和碩公主郡主福晉視郡

主貝勒夫人視縣主遇朝賀日固倫公主許隨

入侍女五人親王福晉和碩公主世子福晉四

人郡主郡王福晉縣主三人郡君貝勒夫人二

人縣君貝子夫人鄉君公夫人各一人○固倫

公主額駙紅纈一豹尾槍二旗十紅仗二執事

人青帽銀頂插紅翎青衣紅帶和碩公主額駙

杏黃纈二旗十紅棍四大小扇二各飾方金四

執事人紅帽銅頂插綠翎青衣紅帶郡主額駙

杏黃繖一旗十紅棍四扇二各飾方金三縣主  
額駙杏黃繖一旗六郡君額駙旗如之縣君額  
駙旗四鄉君額駙旗二公視和碩公主額駙侯  
金黃棍四餘視郡主額駙其有加級者棍得用  
紅伯扇二各飾圓金一餘視侯子繖一旗八棍  
二扇二各飾圓金四男旗六扇二各飾圓金三  
餘視子京官一品視子二品視男三品扇二各  
飾圓金二餘視二品四品旗四扇二各灑以金



餘官均用素扇一宗室覺羅之有職者各從其  
品其扇柄及棍均髹以朱各儀衛出京外得全  
設在

京師不得用旗繖黃棍公以下三品官以上得用  
前引二人後從一品官八人二品六人三品四  
人四品二人五品以下一人文官三品以上得  
用甘蔗棍二武官三品以上得用梭竹棍二自  
一品至九品均得用扇扇各用清漢字書銜若

進

皇城内大扇棍及前引人均不得入○直省官文  
官總督旗八飛虎旗黃繖扇兵拳鴈翎刀獸劍  
黃棍桐棍槊各二槍四迴避牌二肅靜牌二巡  
撫槍二減飛虎旗兵拳鴈翎刀餘視總督布政  
使按察使旗六減獸劍桐棍槍餘視巡撫道知  
府旗四黃繖扇各一桐棍槊迴避肅靜牌各二  
府倅知州知縣藍繖一減迴避牌餘視知府縣

佐藍緞一桐棍二學官藍緞一雜職竹板二總  
督河道漕運視總督學政鹽政織造三品以上  
視巡撫四品以下視兩司○武官提督刑杖二  
減桐棍槊棍餘視總督總兵官槍二大刀二減  
兵拳鴈翎刀刑杖餘視提督副將旗六黃緞一  
扇二黃棍迴避肅靜牌各二叅將游擊都司旗  
四扇一桐棍二餘視副將守備減牌餘視都司  
駐防將軍視內都統副都統以下官均與京官

同

凡輿馬王公乘明轎親王世子郡王貝勒輿夫

八人貝子公四人暖轎親王金黃蓋金黃檐紅

幃世子紅蓋金黃檐紅幃郡王紅蓋紅檐紅幃

貝勒紅蓋青檐紅幃貝子紅蓋紅檐青幃鎮國

公皂蓋紅檐皂幃輔國公青蓋紅檐青幃均用

銀頂馬韉親王世子郡王用金黃貝勒貝子用

紫公用青公主親王世子郡王福晉用金黃長

子貝勒貝子夫人用紫○公主以下縣主以上

乘轎及車郡君以下乘車幃蓋幃均用繒固倫

公主金黃蓋四角緣紅和碩公主紅蓋四角緣

金黃均紅幃金黃幃郡主紅幃蓋角緣皂縣主

青幃蓋角緣青均紅蓋紅幃郡君青幃紅蓋四

角緣青縣君皂幃皂蓋四角緣紅均紅幃鎮國

公女鄉君皂蓋四角緣青皂幃紅幃輔國公女

青幃蓋去緣飾餘視鎮國公女王福晉以下貝

勒夫人以上乘轎及車貝子夫人以下乘車郡

王長子福晉以上得用朱轅奉國將軍淑人以

上均得用朱輪幃蓋幃均用繒鎮國將軍夫人

以下繒用素親王福晉金黃幃世子福晉紅幃

郡王福晉皂幃均紅蓋紅幃蓋角緣皂貝勒夫

人蓋角緣皂皂幃貝子夫人蓋角緣青青幃均

紅蓋紅幃鎮國公夫人蓋角緣紅輔國公夫人

蓋角緣青均皂蓋皂幃紅幃王以下公以上各

側室均降適一等鎮國將軍一品夫人皂蓋輔  
國將軍夫人青蓋均青幃紅幃奉國將軍淑人  
幃蓋幃均用皂奉恩將軍恭人如之閑散宗室  
青幃餘亦如之○京官滿洲文武均乘馬一品  
文官年老疾病不能乘馬者許乘轎漢人文官  
乘轎三品以上頂用銀幃蓋用皂在京昇夫四  
出京昇夫八四品以下頂用錫昇夫二出京四  
○直省文官乘轎督撫昇夫八司道以下教職

以上昇夫四雜職乘馬餘同京官總督河道漕  
運視總督學政鹽政織造暨各


欽差官三品以上視巡撫四品以下視兩司武官將  
軍副都統提督總兵官視督撫副將視兩司協  
領叅游以下均乘馬文三品武二品官以上用  
引馬文武四品官以上馬繫繫纓○各品官命  
婦乘車輪轅均用黑色民公夫人蓋角緣皂侯  
伯夫人蓋角緣青均綠蓋皂幃綠檐子一品夫



人皂蓋四角緣綠餘視伯男夫人去緣飾餘視  
子品官命婦一品視子二品視男三品皂幃餘  
視二品四品青幃餘視三品五品以下均青蓋  
餘視四品三品以上命婦頂用銀餘均用錫幃  
蓋幃二品以上命婦用素繒餘均用布



欽定大清會典卷三十三



總校官候補中書臣吳紹潔

校對官檢討臣王鍾健

謄錄監生臣王心仁

謄錄監生臣孫起鵬

欽定四庫全書薈要

史部

欽定大清會典卷三十六  
四至



詳校官編修臣繆晉

欽定四庫全書薈要卷八千二百六十三

史部


欽定大清會典卷三十四

禮部

儀制清吏司

相見禮

凡外藩親王見親王之禮至府第令從官致辭  
王府執事官轉啟迺延賓賓下馬入主人降階  
迎賓升入殿中門賓東面主人西面行二跪六



叩禮興賓西主人東各就坐從官階下北面東

上二跪六叩興由右門入從賓後坐執事官獻

茶賓受茶一叩主人答飲訖從官楹前跪一叩

先退賓離席一叩辭主人答興降階送賓出執

事官送賓於大門外外藩郡王見親王主人出

殿迎不降階賓升主人導賓入賓二跪六叩主

人跪答禮半賓辭退離席跪一叩主人跪受如

初興導賓出送於殿外餘如外藩親王禮外藩

貝勒見親王賓由殿右門入主人出坐迎賓北面行二跪六叩禮主人立受即席正坐賓侍坐辭退賓離席跪一叩餘如外藩郡王禮外藩貝子公見親王府屬官引賓入殿二跪六叩主人坐受辭退賓離席跪一叩從官趨階下跪一叩興隨賓出餘如外藩貝勒禮○外藩親王見郡王主人迎送於大門內見畢辭退賓主各就坐一叩餘儀及外藩郡王見郡王均如內外親王

相見禮外藩貝勒見郡王如外藩郡王見親王

禮外藩貝子公見郡王如外藩貝勒見親王禮

○外藩親王見貝勒主人迎於大門外賓入主

人從賓主各一跪三叩從官亦一跪三叩辭退

主人送於大門外外藩郡王見貝勒賓主一跪

三叩餘均如外藩親王見郡王禮外藩貝勒見

貝勒賓主一跪三叩餘如內外郡王相見禮外

藩貝子公見貝勒賓一跪三叩主人跪拱手受



餘如外藩貝勒見郡王禮○外藩王貝勒見貝子賓主一跪一叩坐從官一跪一叩辭退從官跪叩如初主人均拱手受送於大門外候乘馬迺退餘如外藩親王見貝勒禮外藩貝子公見貝子如內外貝勒相見禮○外藩王貝勒見宗室公如外藩王貝勒見貝子禮外藩貝子見宗室公主人迎送於大門外餘如外藩郡王見貝勒禮外藩公見宗室公如內外貝子相見禮

凡在京王公塗遇之禮親王出郡王讓道貝勒儀衛引避讓道旁行貝子鎮國公勒馬鞠躬立道旁候過輔國公固倫額駙和碩公主額駙鎮國將軍民公侯伯內大臣都統尚書勒馬立道旁候過二品官以下皆下馬貝子出鎮國公固倫

額駙和碩公主額駙分道行輔國公鎮國將軍  
民公侯伯子內大臣都統尚書讓道旁行輔國  
將軍男副都統侍郎及叅領等官勒馬立道旁  
候過佐領等官以下皆下馬鎮國公出輔國公  
鎮國將軍民公都統尚書分道行輔國將軍副  
都統侍郎及叅領等官勒馬立道旁候過佐領  
等官以下皆下馬輔國公出鎮國將軍都統尚  
書分道行輔國將軍副都統侍郎等官讓道旁

行奉國將軍叅領佐領等官勒馬立道旁候過

護軍校驍騎校等官及軍民人等皆下馬鎮國

將軍出輔國將軍副都統侍郎分道行奉國將

軍叅領佐領等官勒馬立道旁候過護軍校驍

騎校等官及軍民人等皆下馬輔國將軍出奉

國將軍叅領等官讓道旁行佐領等官勒馬候

過護軍校驍騎校等官及軍民人等皆下馬奉

國將軍出佐領等官讓道護軍校驍騎校等官

及軍民人等皆勒馬候過

凡王貝勒府慶賀之禮親王郡王生辰及元日本府屬員謁賀行二跪六叩禮貝勒生辰及元日所屬行一跪三叩禮

凡京朝官敵體相見之禮賓至門主人迎於大門內賓降輿入主人揖賓入及階讓於賓賓西主人東升至聽事賓主皆北面再拜興主人趨正賓坐東嚮賓禮辭主人固請卒正坐左還賓

正主人坐西嚮如賓禮賓就坐揖執事者獻茶

賓受茶揖主人均答揖賓起告辭揖主人答揖

賓降階主人降送及門賓揖主人答揖賓禮辭

主人固請送賓於大門外賓升輿主人揖送賓

降一品者主人趨正賓坐賓辭賓還正主人坐

辭如之餘儀同二品以下京堂官至翰詹科道

見大學士主人迎於儀門內送於大門外不視

賓升輿餘儀同五品至七品官見大學士賓至

大門外降輿入主人迎於堂階下賓由階東升  
主人導賓入賓北面拜主人辭賓三揖主人東  
面答揖賓趨正主人坐主人禮辭固請卒正坐  
左還告坐揖主人答揖賓西面主人東北面坐  
若旅見則賓以次西面坐北上茶至賓起受茶  
揖主人答揖坐飲啟事畢辭退三揖如初出主  
人送於二門外科道見左都御史左副都御史  
各部尚書如京堂官見大學士儀翰詹科道見

二三品官如賓降一品禮見四品官如同官禮

凡京朝官塗遇之禮固倫額駙出鎮國公和碩  
公主額駙分道行輔國公鎮國將軍民公侯伯  
都統尚書讓道旁行輔國將軍副都統侍郎及  
叅領等官勒馬候過佐領等官以下皆下馬民  
公侯伯和碩公主額駙郡主額駙出都統子尚  
書分道行副都統侍郎等官讓道旁行叅領郎  
中佐領員外郎雲騎尉主事等官勒馬候過護



軍校驍騎校等官及軍民人等皆下馬內大臣  
都統子尚書縣主額駙出副都統侍郎等官讓  
道旁行叅領以下與遇民公侯伯同前鋒護軍  
步軍統領副都統侍郎男郡君額駙出叅領郎  
中等官讓道旁行佐領以下與遇都統同一等  
侍衛護衛叅領輕車都尉郎中縣君額駙出佐  
領員外郎雲騎尉主事等官讓道旁行護軍校  
驍騎校等官及軍民人等皆勒馬候過二等侍

衛騎都尉佐領員外郎鄉君額駙雲騎尉主事  
等官出護軍校驍騎校等官及軍民人等皆讓  
道行

凡屬官見長官之禮初見屬官公服詣署首領  
官引自東階升堂具銜名履歷呈於各長官坐  
案屬官以次各嚮上三揖長官咸避席答揖退  
若燕見於私宅如五品官見大學士儀

凡國學生見國子師之禮初見弟子公服詣學

首領官引自東階升堂北面三揖侍立於左西面受教畢三揖如初退若燕見於私宅入門通名竝召師迎於階上弟子升階揖竝師入門從入北面再拜師西面答揖遂趨正師坐畢左還命坐北面揖弟子西面師東北面坐若旅見弟子均西面北上茶至起受茶揖坐飲受教畢辭退三揖師咸答禮送至二門師前行弟子從竝師入三揖迺退翰林院庶吉士見大學士暨教

習庶吉士亦如之

凡直省文武官敵體相見之禮賓乘輿至署門  
吏稟白啟門儀衛止門外賓由中門入至堂檐  
下降輿主人出迎於檐前揖入賓退送於初迎  
處視賓升輿退餘與京官同品相見儀同○文  
職屬官見長官之禮司道初見督撫具銜名履  
歷公服詣署大門外降輿入自左門長官迎於  
堂後屏內先行屬官從至聽事稟庭叅長官辭

三揖命坐揖長官正坐屬官西面坐若旅見則  
東西面均北上受茶揖辭出三揖每揖長官咸  
答揖送至屏門外屬官北面三揖長官西面答  
畢先入屬官復三揖趨出至大門外升輿退若  
燕見常服通銜名不稟叅餘儀同知府直隸州  
知州見督撫行庭叅禮稟拜見免三揖長官不  
迎送餘與司道同府倅見督撫轅門外降輿餘  
與知府同州縣教職直隸州佐貳官見督撫轅

門外降輿入北面再拜興三揖告辭三揖長官

皆立受不答揖餘與府倅同首領佐雜官進見

行一跪三叩禮不揖不坐知府直隸州知州府

倅見司道司迎送於屏門外道於堂檐下坐次

屬官西面長官東北面餘與見督撫同州縣教

職直隸州佐貳官見司道長官不迎送餘與知

府同首領佐雜官見司道與見督撫同州縣教

職見知府迎送於屏門外餘與見司道同首領

佐雜官見知府與見司道同州縣教職見府倅  
迎送於堂檐下餘與見知府同府首領縣佐貳  
官見府倅與州縣見司道同雜職官見府倅與  
見知府同直隸州屬知縣教職及雜職官見知  
州與見知府同雜職官見州縣與州縣官見知  
府同見直隸州同州判與見知縣同○武職屬  
官見長官之禮副將初見提督具銜名履歷披  
執佩刀至轅門外下馬門吏稟白傳命免披執

易補服由左門入至聽事北面稟庭叅長官辭  
三揖長官西面答揖正坐屬官西面坐茶畢辭  
退三揖如初長官送至檐下退若燕見常服通  
銜名餘儀同叅將游擊見提督北面跪三叩興  
三揖坐辭退揖如初長官起立於位答揖出不  
送餘與副將同都司守備初見提督披執長官  
正坐屬官入北面跪自宣銜名三叩興西面席  
地跪坐不設茶辭退三叩如初趨出長官不起



立若燕見常服不宣銜名餘均與游擊同千總  
把總見提督不坐餘與守備同副將見本鎮總  
兵官長官迎送於堂後屏內坐次長官東北面  
屬官西面屬官揖長官平立答揖餘與見提督  
同叅將游擊見總兵官坐次長官正坐屬官西  
面坐屬官揖長官西面答揖出不送餘與副將  
同若非本鎮所轄儀與副將見提督同都司以  
下官見總兵官皆與見提督同游擊見本協副

將茶畢辭退長官離坐送餘與見總兵官同都

司守備初見副將三叩長官起立告辭不揖不

送餘與叅游同燕見三揖長官答揖餘儀同非

本協所轄與叅游同干總以下官進見與見總

兵官同都司守備初見本管叅將游擊稟庭叅

長官辭三揖長官西面答揖告退長官離坐送

餘與見副將同燕見三揖告辭揖如初長官咸

答揖餘儀同非本管者迎送於大堂後屏內餘

儀同千總以下官見叅游與見副將同千總初見都司守備與守備見叅游同燕見一揖告辭不揖餘儀同把總初見都司守備三叩長官答揖告辭起立不送餘與千總同○文武官相見之禮提督見總督三揖總督正坐提督隅坐若提督帶一品世爵者總督西面提督東面餘與敵體相見同總兵官見總督與司道同副將見總督初見披執燕見常服佩刀均北面跪三叩

興西面立茶畢北面三揖退見巡撫與知府同  
叅將以下見督撫均侍立不坐餘與守備見提  
督同千把總見司道如之司道見提督與提督  
見總督同知府同知通判見提督總兵官與司  
道見提督同州縣見提督具銜名由左門入提  
督迎於階下至聽事三揖就坐提督正坐州縣  
西面坐茶畢辭出三揖如初提督送至堂後屏  
門外揖退見總兵官儀同八九品以下佐雜官

見提督總兵官與見督撫同餘官相見均如敵  
體儀○河道漕運各總督與直省官相見之禮  
與督撫同學政與督撫相見用敵體儀司道見  
學政具銜名儀門外降輿學政迎送於堂檐下  
餘與敵體儀同知府直隸州府同知通判見學  
政不稟叅送至堂後屏門外餘與見督撫同州  
縣見學政初見庭叅常見三揖學政咸避席答  
揖送至堂後屏門內餘與見督撫同教職見學

政初見再拜常見三揖學政皆起立拱手餘與  
州縣同首領佐雜官見學政與見督撫同若學  
政官三品以上者司道以下官進見均與督撫  
同鹽政及

欽差官與各官相見均與學政同運使鹽道見鹽政  
與司道見督撫同運同運判見鹽政與知府見  
督撫同科目出身鹽大使見鹽政與知縣見督  
撫同○滿漢官相見之禮自司道以下官見將

軍與見總督同見副都統與見總兵官同協領  
叅領見督撫與司道同佐領防禦見督撫與知  
府同驍騎校以下官見督撫與州縣同餘官相  
見皆如敵體儀○直省學校生員見師長之禮  
學政蒞任後講學於明倫堂教職引本學生員  
謁見咸公服重行北面再拜學政拱立於位歲  
科試畢生員列一二等者咸公服詣試院升堂  
三揖閱卷畢三揖退餘儀如之見本學學師與

國學生見國子師同

凡順天府屬官見長官之禮治中通判見府尹  
與直省司道見督撫同見府丞與直省司道見  
學政同所屬州縣教職見府尹與直省州縣教  
職見督撫同見府丞與見司道同見治中通判  
與見府倅同經歷以下官見尹丞治中通判與  
直省首領官見知府府倅同奉天府屬知府見  
府尹如直省知府見督撫見府丞如直省知府



見學政餘均與順天府同府州縣見

盛京五部侍郎與府尹同

凡士相見之禮賓造門主人出迎於大門外揖  
賓賓入及門及階皆揖如初賓西主人東升賓  
再拜主人答再拜興主人趨正賓坐賓辭固請  
卒正坐左還賓正主人坐亦如之賓受茶揖辭  
退揖主人送賓及階及門賓揖辭主人皆答揖  
遂送賓於大門外揖如初迎儀

凡弟子見受業師師東嚮坐弟子北面侍坐不  
迎送餘如國學生見國子師之禮

凡見有服尊親父之執友之禮入門通名命見  
升階北面再拜尊者西面答揖命坐揖視尊者  
坐所嚮旁侍坐茶至揖辭退三揖尊者皆答揖  
出不送若尊長來見迎送於大門外餘如前儀

欽定大清會典卷三十四